



• EDITORIAL • RÂL VÊNGTU • CHHÛNGKAW CHANCHIN

- » Reformation Kum 500 tlin lawm khârna inkhâwm
- » Serampore College kum 200 tlin lawmna
- » PYF Youth Camp 2018

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII

No. 11

E-mail: synodnews@gmail.com

NOVEMBER, 2018

LÂWRKHAWM

MISSIONARY TRAINING COLLEGE

Short Course Missionary Training (6th Batch) Results tihchhuah a ni a, trainee-ten tha takin an pass vek a, a hniam ber pawh 'B-' ah a pass a, a ti tha ber hian 'A'-ah a pass a ni.

Pakhatna - Lalremruata Khawhling

Pahnihna - H. Lalmalsâwma

Pathumna - Rualkimi

Best Trainee atân H. Lalmalsâwma,

Evangelist, Karbi Anglong thlan a ni bawk

PASTOR/PRO PASTOR NUPUI

Oct. 18, 2017 khân Pi Zaii Hall, Synod Conference Centre-ah Presbyterian

Kohhrana Pastor leh Pro. Pastor nupui

Intawh khâwm Vawi 40-na hman a ni.

Chawhma lamah thupui pahnih

"Fanau enkawl leh Incheina" tih Pi B.

Lalthlamuani w/o Rev. C. Rosiama ziah

leh "Pastor Nupui leh a nihna" Pi C.

Januari w/o Rev. Dr. Vânlalthlana (L) ziah

te zir ho niin chawhnu lamah intihhlina

hun hmangin tlaiah zanriah an kil ho.

SEC & FINANCE COMMITTEE HUN SAWN CHUNGCHÂNG HRIATTÎRNA

MLA General Election ni 28.11.2018-a neih tûr leh Synod Executive Committee inrual chu Synod Officers Meeting chuan ngun takin a ngaihtuah a. SEC Member ten vote kan thlâk theuh theih nân leh committee tuang taka kan neih theih nân SEC neih hun atân November 23&24, 2018 a ruat a.

Hemi rual hian Synod Finance Committee neih hun pawh ni khata sawn hmain November ni 19-21, 2018-a neih tûrin OM chuan a rêl a ni (OM 16:12 of 3.11.2018).

He thu hi SEC leh Finance Committee member te kan inhriattîr a ni.

Upa R Dêngzîkpuia
Secretary
Mizoram Synod

SYNOD INKHÂWMPUI VAWI 95-NA ATÂN IN-BUATSAIH ZÊL A NI

- * *Board/Committee thu tûr an thu kim thawkhat tawh*
- * *MLA Inthlan pui avângin SEC leh Finance thut hun erawh chu sawn hma a ni*

Kumin 2018 Synod Inkhâwmpui December 4-9, 2018 chhûnga Electric Vêng Kohhran Biak Ina hman tûr atân Synod hnuaiia Committee/Board hrang hrang an inbuatsaih zêl a, nikum lam Synod Inkhâwmpuiin Board/Committee hrang hrang thut hun tûr a ruahman angin tuang takin an la thu thei zêl. November 28&29-a Synod Executive Committee thut hun tûr ruahman chu Mizoram Inthlan Pui (MLA thlan) nêl a inrual avângin he Committee-a member-ten an awmna hmuna vote an thlâk theih nân Synod Officer's Meeting (OM) chuan SEC thut hun hi November 23&24-ah a sawn hma a, hetiang a sawn a nih avâng hian November 20-22-a Synod Finance Committee thut hun ruahman chu ni khata tawlh hmain November 19-21 chhûnga thut tûr a tih a ni bawk.

Synod Inkhâwmpui wawi 95-na hi Electric Vêng Bialin Electric Vêng Kohhran Biak Inah an thleng dawn a, Inkhâwmpui Puipate tûrte chu hêng mite hi an ni:

- | | |
|------------------|---|
| Moderator | : Rev. R. Lalhmingthanga,
<i>Mission Vêng</i> |
| Secretary (Sr.) | : Upa R. Dêngzîkpuia,
<i>Maubâwk</i> |
| Secretary (Jr.) | : Rev. R. Vanlalngâka,
<i>Synod Rescue Home</i> |
| Fin. Officers | : Rev. P.C. Pachhûnga,
<i>Executive Secretary</i>
Rev. H. Remthanga,
<i>Mission Vêng</i> |
| Statistician | : Rev. R. Lalnuntluanga,
<i>Chawnpui</i> |
| Exe. Secretaries | : Rev. Lalramliana Pachuau
Rev. B. Sângthanga |

Kum khata Synod Executive Committee (SEC) thut hnuhnûn ber aţang hian Synod Inkhawmpui Programme chu a inţan thîn a, ruahman lâwk dân chuan chu chu November 28 a ni. Inthlan Pui avânga sawn hma a nih tâkah hian November 23 hi Synod Programme inţanna chu a ni ta a, MLA Inthlan avângin kum dang zawng aiin Synod Programme a inţ an hma dawn a ni. Synod thlengtu Kohhranah chuan Synod Nomination Committee, December 4 (Thawhlehi)-ah an thu ang a, hei hi Inkhâwmpui ţan nîa ngaih tak chu a ni a, hemi zân aţang hian Pathian biak inkhâwm, mipui vântlang chhim theih a awm ngâl bawk.

Synod Inkhâwmpui Rorêl chu December ni 5-ah ţan a ni ang. Kumin hi Board leh Committee hrang hrang membar, kum thum ţang tûrte ruat thar kum a ni a, Synod Office-a hotu thu tûrte - Executive Secretary pathum bâkah Department hotu dang eng emaw zât thlan thar tûr an ni bawk. Hêng hi SEC-in lo thlang lâwkin Synod-in a pawmpui thîn a ni. Hei vâng hian Nomination lama tih tûr tam kum a ni a. Chutih laiin Presbytery aţanga Synod Inkhâwmpuia thu ngaihtuah tûr theh luh erawh chu nikum lam aiin a tlem deuh zâwk. Nikum khân Presbytery aţangin thu ngaihtuah tûr 55 a lût a, hawi lam thuhmun ngaihtuah kawp/ho tûr a tih pasarih a awm a. Kuminah hian Presbytery-te aţangin thu ngaihtuah tur 43 theh luh a ni a, chûng zîngah chuan hawi lam thuhmun, kaih kawp theih pahnih a awm.

Nikum 2017 Synod-ah khân palai inziak lût zawng zawng 2,129 an ni a; kuminah hian ram chhûngah Presbytery pakhat hawn thar a nih avângin palai ni sa an pung hret a. Nikum ai hian palai hi chu an tam deuh a rin theih ang. Synod Inkhâwmpui palaite hi Synod-in kal man leh ni tin sêno phuhrûkna (Daily Allowance) a pe thîn a. A thlengtu bial ţanpuina pawh Synod hian chêng maktaduai khat a pe thîn. Kumina Synod thlengtu Electric Vêng Pastor Bial hian Synod thlenna sêno chi hrang hrang atâna an ruahman chu chêng maktaduai thum leh nuai khat zet a nih thu kan dawng.

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhônga
Upa H. Ronghâka
Rev. R. Laldinthara

Editorial

TEI REI PEIHNA

Mipui thlan sawrkâr kalhmang zuia ram rorêna kalpui hi khawvêla ram rorêna kalhmang thaa ngaih a ni a. Mi tin an zalênin an hlim a, sakhua leh chi inthliar hranna pawh awm lo bera ngaih a ni.

Hetiang kalhmang zui sawrkârah chuan dân ang takin mipuiin rorêltu tûr an thlang a, thlan chhuahte chuan huho thât tlânna tûrin dân an siam a, sawrkârna chelhtuten dân ang takin mipui thât tlânna tûrin thil an kalpui thîn. Dân lova thil tih a awm chuan dik leh fel takin dân rorêna chu tu ma tihbuai lohvin a kawng zawhin a kal leh mai thîn a ni.

Ringtute hian hêng thil hi kan inthiar fihlîmsan bîk thei lo va, eng ti pawhin awm ila min hrût tel vekna chen a awm tho thîn. Chuvângin dan siamtu tûr thlan te, thlan chhuahten thlan an nih anga dik taka an tih phawt chuan anmahni thlâwp te, dik lo taka an tih chuan siam thâ tûra huaisen taka ke pên te hi mi tinin kan mawhphurhna a ni tih kan hriat a tûl khawp mai.

MKHC INTHLAN THUCHAH

Mizoram Kohhran Hruaitu Committee (MKHC) chuan MLA Inthlan Pui 2018 rualin ‘**Inthlan Thuchah 2018**’ a chhuahten. Inthlan thuchah hi hlâwm liah thên a ni a, November 3, 2018 (Inrinni) zânah ‘*Inthlan tuang taka neih a nih theih nân leh rorêltu thâ kan thlan chhuahten theih nân*’ tih thupui hmanga tawngt airual hun hmang tûrin MKHC member Kohhran tin an ngên a, he hun hi Kohhran ten an hmang hlâwm. Inthlan thuchah hi Synod office aţangin Kohhran tinah thawn chhuahten a ni.

Pathian Biak Inkhâwm Hruaina Bu 2018 chu la sem zêl a ni a, Minister/Pastor, Pro Pastor, Kohhran Upa (active)-te pêk an ni a. Kohhran tin bu khat pêk an ni baw. Mahni Kohhran ta tûr la lam lo tân lam thuai ni se.

REFORMATION KUM 500 TLIN LAWM KHÂRNA INKHÂWM

Oct. 31, 2018 (Thawhlehi) khân Calvin Study Center, Aizawl Theological College bul tumin Reformation kum 500 tlin lawm khârna inkhâwm neih a ni.

Kohhran siamthamna (Reformation) hi kum 1517 October 31-a Martin Luther-a’n thuchâng 95 (95 Thesis) Saxony Bial Wittenburg khuaa All Saint’s Church kawngkhâra a târ chhuahten ni kha Reformation inţanna anga ngaih a ni a. Kum 500 a tlinna ni kum 2017 October 31 aţang khân khawvêl hmun hrang hrangah a lawmna hun hman a ni a. Mizoramah pawh Calvin Study Center, Aizawl Theological College bul tumin Chanmari Presbyterian Kohhran Biak Inah hman a ni. Kum khat chhông a lawmna hman a nih hnuah Oct. 31 Nilaini khân a khârna hi Khatla North Presbyterian Kohhran Biak Inah neih a ni.

Khârna inkhâwm hi Rev. Prof. Vânlalnghâka Râltê, Vice Principal, Aizawl Theological College chuan a kaihrui a. Aizâwla Kohhran hrang hrang aiawhte leh mi sâwm bîkte nêl Biak In khat tlatin he hun hi hman a ni. Aizawl Theological College zirlaiten Martin Luther a hla

phuah Latin tawng leh German tawng tein an sa a, ATC Male Voice an zai baw. Thupui, ‘*Envisioning Reformation in the 21st Century Mizoram*’ (Kum zabi 21-na Mizorama Reformation hmahlîr) tih a ni a. Rev. Dr. Vânlalchhuanawma’n ngaihnawm takin a sawi a. Mizorama kohhran hrang hrangte thawh ho leh inpumkhat chu hma thlîr pawimawh tak a nihzia a sawi.

Lehkhabu pahni, Calvin Study Center buatsaih chu tlangzarh ngihl a ni a. ‘Calvin-a zirtîrna leh Mizo nun Vol. 5’ leh ‘Siam Thamna Ropui’ tih te chu Pu Thankima’n lehkhabu lo pian chhuahten dân leh a chhônga thu awm tlangpuite a sawi hnuah Rev. Dr. H. Vânlalauva’n a tlangzarh a. Hêng lehkhabute hi Kohhran siamthamna chungchâng chhui zui zêl a leh kan ram tân a pawimawhnate târ lanna a ni.

ATC Faculty-ten an buatsaih, sâp tawnga ziak ‘The Reformation’ tih chu Rev. Malsâwmzoliana’n sawi hawna a neih hnuah Rev. Dr. Zâihmingthanga’n a tlangzarh baw a. Hêng lehkhabute hi Synod Bookroom hrang hrangah lei theih tûra dah chhuahten a ni.

SERAMPORE COLLEGE KUM 200 TLIN LAWMNA

India rama Pathian thu (theology) zirna hmunpui Serampore College-in kumin 2018-a kum 200 a tlin lawmnaa programme pawimawh tak pakhat, kohhran hruaitute leh Serampore College aţanga lo zir chhuahten tawhte puala lawmna ‘*Bicentenary Celebrations for Church Leaders, Well-wishers and Alumni*’ chu November ni 9, 2018 khân Serampore College hmunah ropui taka hman a ni a, India ram kohhran hrang hrang 20 vêl aţangin hruaitu pawimawh tak tak an fuan khâwm.

Kum 200 lawmna hi zing dâr 9-ah lawmthu sawina inkhâwmni bul tan a ni a, kohhran hruaitute chawimawina hun hman chhunzawm a ni. Chawhnu lamah Serampore College aţanga lo zir chhuahten tawhte puala inkhâwmna buatsaiha ni baw. Zân lamah rimawi leh ei tûr chi hrang hrang (musical night & food festival) hmangin he ni lawmna hi khâr a ni.

India ram hmun hrang hranga aţanga kohhran hruaitute leh lo zir chhuahten tawhte, mi 100 vêl an riak lût a, lehlânga chhim

nên chuan mi 250 vêl an kal. Mizoram Presbyterian Kohhran aiawhin Rev. F. Lalrinnunga (Moderator), Rev. Lalramliana Pachau (Sr. ES), Upa R. Dêngzîkpuia (Secretary Sr.), Rev. Lalanzara (Kolkata Pastor), Rev. Laldusaka (Kolkata Mission Field)-ten an hmanpui.

Serampore College kum 200 lawmna hi November thla chhông hian kawng hrang hranga la hman chhoh zêl tûr a ni a, December ni 4, 2018 khian Serampore College Convocation a awm ang ang a, a khârna (Grand Finale) chu December ni 7, 2018-ah ropui taka hman tûra ruahman a ni.



Râl Vêngtu

Ral Vêngtu chuan mipui tam tak pung khâwmte chu uluk takin a lo thlîr a, vei lian tak nei ni âwm tak hian a râl vên bûk tualah chuan a vei a vei a. An zînga thenkhat chu a vên bûk bulah chuan an lo châwl a. Chûng mite chuan, “Râl Vêngtu, tûnlai kan boruak hi a va mak ve maw le. Eng nge i lo thlîr ve dân?” tiin an zâwt a.

Râl Vêngtu chuan, “Galatia bung ngaa ‘tuh rah seng’ thu nên ka lo ngaihtuah zawm mêk a, thil lo thleng hi amaha lo thleng mai ni lo hi a awm fo va, chutiang chi chu niin ka hria,” a ti a.

Mite chuan, “Chuti mai chuan kan Chiang zo hauh lo mai, han sawi fiah deuh teh,” an ti a. Râl Vêngtu chuan, “Mahni hma chauh sialte hian thu neihna an chan thei nân an lam tạng tûra an ngaih khaw pân mi pawh khaw chhûng mi chanvo neihtîr tumin an bei thîn a. Bible-in ‘mahni tui ni lo awp keu’ a sawi kha a takin a lo thleng ta a nih hi. Chi tha theh tûr awm reng siin chi tha lo an theh a, chumi aţanga lo ţiaka lo rah chu seng a ngai ta a ni.

“Mahni hma sial luatna hian khaw pum pui a sawp chhe hle thei a, khawpui hmakhua atân chuan mahni hamthatna aîn huho leh huap zo that tlânna zêl hi dah hmasain hrui khat vuana rual taka ţan ho in thiam a ngai ta a nih hi. Tun ţum boruak hian heti zâwng hian kai harh hlauh che u sela, ‘in dîl loh zâwk malsâwmna’ a ni hial tûra le,” a ti a.

Mite chuan Râl Vêngtu hi chu kan thlîr piah lam deuh hi i lo thlîr pha thîn a. I thu leh hla hi kan theihna apiangah kan lo pu darh ve dân nia,” tiin an ţin darh ta a.

NILAI LEH BEIHRUAL THUPUI 2019

Nakkum 2019-a zir tûr ‘Nilai leh Beihrial Thupui’ chu chhut zawh a ni ta a. Minister/Pastor, Pro Pastor, Kohhran Upa (Active leh Pêm Upa) leh Tual Upate hnênah a copy sem mêk a ni a, Kohhran copy pahnih pêk a ni baw. Kohhran tinin mahni Kohhran ta tûr, Synod Office ‘Mamawh lamna’-ah a lam theih reng e.

SYNOD HOSPITAL, DURLÂNG SEPTEMBER, 2018 CHHÛNGA THILPÊK DAWNTE

I. CHARITY FUND

1.	Dr. Rebecca Lalrintluangi, UCC, Barapani	Rs	10,000/-
2.	KTP, Champhai Vêngthlang Pastor Bial	Rs	5,000/-
3.	Central KTP, Synod Office	Rs	5,00,000/-
4.	Pu Lalsanglûra, Durltâng Mêl - 5	Rs	1,000/-
5.	Saron Vêng Kohhran Pavalai Pâwl	Rs	10,000/-
6.	Upa T. Sêna, Dinthar Vêng, Aizâwl	Rs	3,000/-
7.	Taxi Welfare, Synod Hospital, Durltâng	Rs	2,000/-
8.	Lungdai Kohhran	Rs	1,000/-
9.	Maubâwk Pastor Bial Kohhran Hmeichhia	Rs	20,000/-
10.	Pi Regimeni, Tuithiang Vêng, Aizâwl	Rs	1,000/-
11.	KTP, Teikhang Pastor Bial,	Rs	1,000/-
12.	Barak Area Mission Presbytery (Meitei)	Rs	5,410/-
13.	Hortoki Pastor Bial Kohhran Hmeichhia	Rs	2,000/-
14.	Zodinliana, Mission Vêng, Aizâwl	Rs	1,300/-

II. THISEN PETE

1.	KTP Himali Branch, Laipuitlâng	42 Units
2.	Red Rebond Club & NSS, Women Polytechnic, Durltâng	22 Units
3.	KTP, Model Vêng Branch, Aizâwl	31 Units
4.	KTP, Chanmari Branch, Aizâwl	38 Units
5.	KTP, Leitan Pastor Bial	39 Units
6.	KTP, Ramhlun Vêngthar Branch	36 Units

III. GRACE HOME TÂN

1.	The Salvation Army, Bâwngkâwn Corps, Men Fellowship	Rs	1,500/-
----	---	----	---------

IV. THIL DANG PETE

1.	Ni. Vânlalawmpui, Bûngkâwn, Aizâwl	Damlote Pap Smear tihna sênso	Rs. 1,000/-
2.	Tv. Lalsângzuala Hnamte, Luangmual, Aizâwl	Dam lote Pap Smear tihna sênso	Rs. 1,000/-

3.	Kâwnpui Chhim Vêng Bial Koh. Hmeichhia	Thutthlengsei 5
4.	Kulikâwn Vêngthlang KPP	Campus samfaiin member 30 lai an hnattlâng
5.	Pi R. Lalêngmawii, Khatla	Physiotherapy tân Sana leina tûr Rs. 1,000/-
6.	KTP, Saipûm Branch	A tûl apiang atân Rs. 1,000/-
7.	ENF Unit, Synod Hospital	Student Nurses Hostel locker lei nân Rs. 30,000/-
8.	YMA, Ramhlun Vêngthar Branch	Mitthi tuamna puan 30
9.	KTP, Chawnpui Branch, Aizâwl	Wall Clock
10.	Aibâwk Kohhran Pavalai Pâwl	Swabstick 8320
11.	Kâwnpui Pastor Bial Kohhran Hmeichhia	Student Nurses Hostel khum 1 lei nân Rs. 7,500/-
12.	Medical Superintendent, John William Hospital	Alprazolam Box 8 (6000 Tablets)

VI. PAWISA DAWN ZAWNG ZAWNG -

I.	Rs	5,62,710/-
II.	Rs	1,500/-
III.	Rs.	41,500/-
Total	Rs	6,05,710/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min puhrukak baw a ni.

Sd/-

(REV. R. RAMDINMAWIA)
Chaplain, Synod Hospital, Durltâng.

PRAISE ON 2018 FINAL RESULT PUAN A NI TA

Synfo *Praise On 2018* a ti tha zual 10 (Top 10) intihsiakna chu tuang taka zawh niin November 9, 2018 khân result puan a ni a, lâwmman sem ngâl a ni.

Praise On final intihsiak hi November ni 6 zân leh ni 8 zân khân Mission Vêng Kohhran Hall-ah neih a ni a, ni 6 zânah hian Kristian Hlabua hlate hmangin intihsiak a ni a, ni 8 zânah anmahni hla duh zâwng hmangin intihsiak a ni thung. Intihsiakna hi Hruaina Êng channel (LPS & Zonet)-ah live-a tihchhuah thîn a ni a, Final intihsiakna hi Hruaina Êng ‘Youtube Channel’-ah intihsiak lai ngeia en theihin tihchhuah a ni baw.

Result puan leh lâwmman sem inkhâwm hi November 9, 2018 zân dâr 8:30 khân Mission Vêng Kohhran Hall-ah buatsaih a ni a, kaihrui (host) atân Ni. K. Lalrampani (Mapuii) hman a ni a, Pastor R. Lalmingthanga, Moderator Elect & Pastor i/c Mission Vêng Pastor Bialin hunserh a hmang a, Upa V.L. Muanchhana, Secretary, Organising Committee-in intihsiak buatsaih leh a kaihnawihite a report a. Mizoram Synod Choir, Dâm Vêng Branch KTP Group (Praise On 2017 pakhatna), Fakzai House Band leh Praise On 2018 pakhatna te an zai baw. A ti tha 10 leh mimal ti tha lâwmman sem a ni a, Judge, Guest Judge leh Show thlengtu Mission Vêng Branch hnênah thilpêk hlan an ni baw. Rev. B. Sângthanga, Executive Secretary i.c. Synfo/i.c. CKTP-in lâwmthu sawina hun hmangin malsâwmnain inkhâwm a ţin a ni.

Praise On 2018 result chu hetiang hi a ni:

Pakhatna – Electric Vêngthlang Branch (Rs. 1,00,000/- + Trophy + Citation)
Pahnihna – Chanmari West Hmarvêng Branch (Rs. 50,000/- + Trophy + Citation)
Pathumna – Ramhlun North Branch (White) (Rs. 30,000/- + Trophy + Citation)

Consolation Prize dawngte:

Dâwruip Vêngthar Branch Band 2 (Rs. 5,000/- & Citation)
Chaltlâng Branch Band 1 (Rs. 5,000/- & Citation)
Republic Vêng Branch (Rs. 5,000/- & Citation)
Khatla East Branch (Rs. 5,000/- & Citation)
Châltlâng South Branch (Rs. 5,000/- & Citation)
Dâwruip Branch (Rs. 5,000/- & Citation)
Leitan South Branch (Rs. 5,000/- & Citation)

Mimal (Individual) lâwmman late:

Vocal: Vanlalmalsâwmkima, Dâwruip Branch – Rs. 5,000/- & Citation
Guitar: Lalruatdika, Ramhlun North (White) – Rs. 5,000/- & Citation
Bass: Albert Laldusaka, Châltlâng Band 1 – Rs. 5,000/- & Citation
Keyboard: Rinsângzuala, Republic Vêng Branch – Rs. 5,000/- & Citation
Drums: B. Malsâwmdawngliana, Chanmari West Hmarvêng Branch – Rs. 5,000/- & Citation



TLÂNGPUI KOHRAN (CACHAR TLÂNGRAM) chuan ni 13.12.2018 hian an Kohhran Golden Jubilee an lâwm dâwn a. He kohhrana lo lawi tawh zawng zawng, Missionary leh thawktu leh kohhran member zawng zawngte he hun hman pui tûr hian an sâwm a. Sâwmna hran siam a nih loh avângin hei hi sâwmnaah ngai a, kal vek tûrin an ngên a ni.

CHAWNGTLAI BRANCH KÏP chuan January 10-13, 2019 hian an Branch Diamond Jubilee an lâwm dâwn a. He hun hmanpui tûr hian Chawngtlai Branch KÏP member lo ni tawh zawng zawng leh Pastor leh Pro Pastor lo awm tawh zawng zawngte an sâwm a ni.

HNA RUAK DIL THEIH

Mizoram Presbyterian Kohhran Mission Board hnuaiia thawk tûrin Missionary (Contract) 86 lâk a ni dâwn a. Kum 18-35 inkâr, ni 1.12.2018-a kum 18 pumhlûm tawh, kum 35 la pumhlûm si lo tân dîl theih a ni. Hna dîlna form hi ni 22.10.2018 aţangin Synod Office, Reception Counter-ah lâk theih a ni ang. Form-ah hian hna dîltute hriat tûr paw-imawh tihlan a ni.

Hlawh :

Synod hnuaiia Contract Missionary rate

Dîl theih hun chhûng :

21st Nov., 2018 (Nilaini) tlai dâr 4:00 thleng

Screening Test/Exam :

23rd Nov., 2018 (Zirtâwpni) dâr 11:00am

Interview :

1st Dec., 2018 (Inrinni) Zîng dâr 7:00am

Sd/- Rev. Lalramliana Pachuau
Secretary
Synod Service Board

RUIHHLO CHUNGCHÂNG INZIRTÎRNA 'AWARENESS 2018'

Kristian Thalai Pâwl General Conference wawi 57-naa lo rêl tawh angin, CKÏP chuan HIV/AIDS leh ruihhlo leh a kaihhnawih dona kawnga hma a lâkna kal zêlah November 16, 2018 (Zirtâwpni) zân hian Vanapa Hall, Aizâwlah HIV/AIDS leh ruihhlo leh a kaihhnawih chungchâng inzirtîrna hun, Awareness 2018 an buatsaih.

Awareness 2018-ah hian Pathian fakna hla sa, tûnlaia lâk tak takte zaiin, mi thiamten thu an sawi a; Awareness 2018 puala din live band pahnih an zai bawk. Aizâwl khawpuia Bial KÏP thenkhatin lemchan chi hrang hrang an entîr bawk a. CKÏP Leader, Rev. Dr. K. Lallawmzuala te, Dr. R.L. Sânghluna, Upa Dr. C. Lalhrekima te, Synod Executive Secretary i/c KÏP Rev. B. Sângthanga leh C. Lalchhuanzuali ten HIV/AIDS leh ruihhlo leh a kaihhnawih chungchâng an sawi a ni.

BOLIVIA (SOUTH AMERICA) AţANGIN MIZORAM SYNOD-IN MIKHUAL A NEI

Bolivia aţangin Mizoram Synod rawn zir chiang tûrin mi panga – Rev. Dr. Luis Romay leh a nupui Mrs. Elizabeth Romay (Bolivian), Rev. James Wolheter leh a nupui Mrs. Jennifer Wolheter (American) leh Rev. Adrian Lovel (Australian) te an lo kal a, Mizoram Synod-in a lo mikhual. Bolivia aţanga lo kalte hi Synod Mission Board Missionary Pu Albert Kâwldingliana leh Dr. Lalsângpuii (te nupa)-in Bolivia-a an thawhpui thinte an ni a. India rama Kristiante dinhmun rawn thlithlai tûr leh Mizoram Synod, a bik takin Kohhran Hmeichhiate Buhfaiţham rawn zir chiang tûra lo kal an ni ber. Synod Conference Centre-ah thlengin, Kohhran inkhâwm hrang hrangah an tel bâkah Synod Office zîng inkhâwmah an tel bawk. Mizoram Kristiante aţangin zir tûr tam tak hmuin an inhria a, Mizoram an rawn tlawh hi manhla an ti hle a ni.

PYF YOUTH CAMP 2018

India ram Presbyterian Kohhran hnuaiia Thalai Pâwl, 'Presbyterian Youth Fellowship' (PYF)-in thalaite puala programme chi khat 'Youth Camp' an buatsaih thin chu November 9-11, 2018 chhûng khân Central KÏP-in thlengin Ramhlun North Kohhran Biak Inah ngah a ni a, PYF zawmtu PCI hnuaiia Synod hrang hranga thalai pâwl aţangin member 423 an kal thei.

Youth Camp Thupui, 'Thalaite: Danglamna thlenna hmanrua' (Youth: The Instrument of Change) tih, Rev. Dr. Ramêngliana ziah chu November 10 (Inrinni) chawhmaah zir ho a ni a, chawhnu lamah Aizâwl Theological College tlawh a ni. Pathianni inkhâwm wawi thumah PCI hotute – Rev. Dr. G.S. Lyttan, Sr. Administrative Secretary, Rev. Lalramliana Pachuau, PCI Moderator leh Rev. Dr. K. Lalrinkima, Administrative Secretary i/c PYF, etc-ten thupui an sawi.

He Youth Camp hi Manipur Presbyterian Singlup Synod (Meitei) hnuaiia PYF te thlen tûra tih a ni a, an thlen leh theih loh avângin KÏP hi thleng tûrin ngên an ni a, Ramhlun North Kohhranah ngatin Ramhlun North Kohhran hian hneh takin an lo thleng a, Mizoram pâwn lam aţanga lo kalten nuam an ti a, Pathian fak hla sa tura ruat, lo kal thei lo aiawhte pawh KÏP hian chawpchilh takin a ruat a, an tihlawhtling thei vek a, Mizo Synod leh Mizoram hmêl an timawi hle a, hruaituten lâwmawm an ti hle.



HRIATTIRNA

Synod Multipurpose Training Centre, Mission Vêngthlang, Aizâwl-ah a hnuaiia Trade-ah te hian training hawn a ni leh dâwn a. Dîlna chu a hnuaiia hming ziak hnênah hian Kohhran leh-kha thil telin ni 12.12.2018 thleng theh luh theih a ni. Interview hun ni 14.12.2018, dâr 10:00 am a ni.

1. Tailoring (Mipa)	Seat 20	Zir hun chhûng – January-December, 2019
2. Tailoring (Hmeichhia)	Seat 40	Zir hun chhûng – January-December, 2019
3. Shoe Making	Seat 5	Zir hun chhûng – January-December, 2019
4. Diploma in Computer Application (1st Sem)	Seat 20	Zir hun chhûng – January-June, 2019
5. Beauty Culture	Seat 6	Zir hun chhûng – January-June, 2019
6. Mobile Phone Repairing	Seat 5	Zir hun chhûng – January-June, 2019

Sd/- Programme Director
Synod Multipurpose Training Centre, Mission Vêngthlang - 796005